



Pour lire l'intégralité de nos lettres et documents de référence, consultez notre blog à l'adresse :

<http://Madagascar-Resistance.blog4ever.com>

Madagascar Résistance

Laharana n°51 - febroary 2011

Mbola loza noho ny fahajambana : ny finiavana tsy hijery

Hatramin'ny niatombohan'ny fihetseham-bahoaka ao Tonizia, dia tsy mijanona ny mampiseho ny elanelana misy eo amin'ny diplomasian'ny firenany sy ny zava-misy, ireo mpanao famakafakana frantsay. Ny sasany mmilaza hoe "fahajambana". Aminay dia tsy mitombona loatra ny fampiasana io voambolana io, satria ny fahajambana dia nateraky ny zavatra avy any ivelany izay mahavaoa ny tena. Metimety kokoa ny filazana hoe "**finiavana tsy hijery**" ny zava-misy.

Io fandavan'ny mpamolavola ny diplomasia frantsay ankehitriny io, dia miteraka **tsy fahafahana miàla amin'ny fisainana raiki-tapisaka sy ny rafitra politika efa nilaozan'ny toetr'andro, noho ny fiovan'ny toe-tsaina sy ny zava-misy eo amin'ny vahoaka ivelan'i Eoropa.**

Nolavin'i Henri de Raincourt tsotra izao fotsiny ny fisian'ny fihetsehana goavana tao Antananarivo nandritra ny fotoana nitsidihany ny mpanongam-panjakana.

Ny ohatra farany momba io fandavana tsy hahita io, dia ilay nataon'ny Sekreteram-panjakana frantsay misahana ny Fiaraha-miasa. **Tsy nahita ireo vahoaka Malagasy efa an'arivony maro nanao fihetsiketsehana tamin'ny faha 19 Febroary teo, mampiseho ny fanoherany ny FAT izy, sy ny fanohanany ny fampodiana an'i Marc Ravalomanana, mba handray anjara amin'ny fifandaminana.** Nefa dia tena nisy io fihetsiketsaham-bahoaka io nandritra ny fotoana nitsidihany ireo mpitondra tsy eken'ny Fikambanana Eoropeana sady laviny, fikambanana izay misy an'i Lafrantsa. Fa toa raisin'io Sekreteram-panjakana io fa zavatra "**maivana**" ihany ireo vahoaka marobe nanemitra ny seranam-piaramanidina Iraisam-pirenena Ivato sy ny lalana manelanelana an'Antananarivo sy ny seranam-piaramanidina ireo, eo amin'ny famakafakany ny toe-draharaha ao Madagasikara.

Araka izany, dia nahenan'ny fitaovam-baovao frantsy ho 10.000 ny isan'ireo mpanao fihetsiketshina, amin'nizay dia tsy dia mazava loatra.

langavianay ny mpamaky hijery an-tsary ireo sary maro nivoaka tamin'ny "tranonkala" mba tsy hiadian-kevitra be loatra momba ny tarehi-marika. Azsony atao koa ny manao kajy tsotsotra: **firy ny isan'ny olona mety mahafeno ny arabe mirefy 6 km ny halavany?** Izany manko no nisy teo amin'ny sampanan-dàlana niainga teo Talatamaty sy ny seranam-piaramanidina Ivato io Asabotsy faha 19 Febroary 2011 io. Ampiana ny isan'ireo olona niandry tery ambanimbany ana-tsisin-dàlana eo anelanelan'ny tampon-tanana sy ny seranana. **Fa tsy hitan'ingahy de Raincourt izany, na nodiany tsy hita.**

MANOHANA FANJAKANA I LAFRANTSA, na inona na inona tarehim-pitondrana eo

Tsy vitan'ny hoe manapi-maso ny tenany ireo mpianadraikitra ny diplomasia frantsay, fa mbola **mihevitra ihany koa fa dondrona ireo vahoaka ifampiresahany.** Araka izany, dia "mametraka fanontaniana adaladala sy tsy misy fotony" ireo mpanao gazety Toniziana aminy. Ary ny vahoaka Malagasy dia tokony hino fa, na dia eo aza ny zava-misy mitory ny fifanipahan-javatra, dia tsy manohana ny mpanongam-panjakana ny governemanta frantsay any aminy.

-Ary, hanamarinana ny tsy azo tohànana;

-Hanamarinana ny fiandanian'ny frantsay amin'ny fitondrana nomelohan'ny fikambanana iraisam-pirenena ara-mpomba ofisialy;

-Hanamarinana ny fiandanian'ny frantsay amin'ny fitondrana izay mandà ny fanaovan'ireo mpanohitra fivoriana ampilaminana eny ankalamanjana;

- Hanamarinana ny fiandanian'ny frantsay amin'ny fitondrana izay manakatona fitaovam-baovao ampolony

Neafa mamela malalaka ny sasany hiteny satria manohana azy;

- Hanamarinana ny fiandrian'ny frantsay amin'ny fitondrana izay misambotra, mampiditra amponja ary mampihorohoro ny mpanohitra sy ny fianakaviany;

Dia manoritra izao fanavahana izao I Atoa de Raincourt: **"Manohana Fanjakana, fa tsy fitondrana i Lafrantsa."**

Izay izany ny fanazavana ny fanohanana naharitra nataony tamin'ny Fanjakana notantan'ny Ben Ali, Moubarak, Khadafi, Bongo rainy sy zanany, ary manao jadona maro ao Afrika.

Mba tianay ho fantatra ny fandraisan'ny Toniziana, ny Egyptiana na ny Lybiana izany raha fanazavana toy izany no haroson'ny diplomaty frantsay azy ireo.

Raha tsy hoe angaha avonavona toy izany no mendrika an'i Afrika ao amin'ny faritra ambanin'ny Sahara, raha momba ny resaka fandalinana sy fihetsepon'olombelona ?!

MASOIVOHO "amin'ny fihetsika vaovao

Tsy mbola nivandravandra toy izao ny tsy fahaiza-miaina ny politika ny raharaham-bahiny frantsay, ary

nanomezan-tsiny azy hatramin'izay, raha oharina amin'ny politikan'ny Grande Bretagne, mpanjanatany fahiny. Satria, ny modely henjana napetrak'i De Gaulle efa 50 taona lasa izay momba ny fifandraisana amin'ny zanatany fahiny, mbola miampy ny fanendrena ambasadaoro tsy mba voahofana momba ny diplomasia, fa avy amin'ny kabinetran'ny prezidà na ny ministra, **toy ny ao Madagasikara hatramin'ny 2009, ary toy ny tao Tonizia vao haingana.**

Ireo ambasadaoro "amin'ny endrika vaovao" ireo dia misy fitovizany; miavonavona sy tsy manaja ny fomba amam-panao diplomatika.

Efa notsikera ny fihetsika governera tamin'ny andro fanjanahana ataon'ny ambasadaoro frantsay vaovao ao Madagasikara tao amin'ny laharahana faha 4. Tao amin'ireo fanaporofa marmaro momba io fihetsika io, dia ho **sisnganinay manokana ho tadidy ny fomba tsy mendrika natao tamin'ny Profesoa Adolphe Rakotomanga, Maître de Conférence ao amin'ny Oniversité Antananarivo, sady efa Ministry ny Fampianarana Nasionaly teo aloha, izay tonga namely ny fanasaana azy tao amin'ny masoivohony.**

(Jereo ny laharana faha 12)

Voatery nanao fialantsiny ampahibemaso ny ambasadaoro frantsay, noho ny fihetsika mahery vaika nataon'ny Toniziana, afaka namosakevitra, sy noho ny fitahitahina firenena ao anatin'i Magrheb; nampiseho fihetsika feno tsy fahalalàm-pomba manko izy, nefa tokony nandamina ny fifandraisana teo amin'ny frantsay sy ny toniziana.

Indrisy fa tsy afaka mamoka ny hatezerany amin'i Jean Marc Chataignier ny Malagasy, noho ny herisetran'ny famoretana. Tsy midika akory izany fa maivana ny hatezerany.

Ary toy ny fanafihana ny demokrasia vao mitsimoka mihitsy no fahatsapan'ny mpanara-dalàna ny fitsidihana nataon'Atoa de Raincourt tamin'ny mpanongam-panjakana, amin'izao vanin'andro henjana izao eo amin'ny krizy ao Madagasikara izao. (Jereo ny laharana faha 43 momba io fiteny io)

Ny fihetsika sy ny ataon'ny governemanta frantay hatramin'ny 2009, dia azo ampitovizina amin'ny fanapotohana tamin'ny 1947, ao amin'ny fitadidin'ireo mihazona ny demokrasia sy ny fiandrianam-pirenena Malagasy.

Ary manampy trotraka izany ny fampiasana Malagasy ray sy reny, hampiasa basy tamin'ny fanonganam-panjakana voalohany tao amin'ny Nosy.

Ireo Mifikitra amin'i Madagasikara
eto La Reunion